

合肥縣志卷第二十四

賜進士出身廬州府合肥縣知縣左輔纂修

人物傳第四

國朝

龔孚肅字尹達庚辛歲饑首倡捐賑全活甚眾流寇攻城孚肅率兵拒却之年五十卒祀鄉賢以子鼎孳貴贈兵部尚書鼎孳別有傳鼎孳字孝緒貢生爲臨安縣訓導署仙居縣知縣仙居民多踞山爲盜不可施以政吏急則窮治以法故雖有願歸農者亦不敢擅還鼎孳爲言於大吏得給牌免死全活者數千人

合肥縣志卷二十四 傳 一

歸後築墅城南建稻香水明二樓以居所著有稻香

樓詩集 府志

龔鼎孳字孝升生時庭產紫芝因號芝麓前明崇禎癸酉甲戌聯捷成進士出爲蘄水縣知縣流寇蔓延江北州縣多陷鼎孳官斬七載日與寇相持發號施令威惠整肅城得無恙行取入覲拜兵科給事中奉命察理畿南廣平諸處一月中疏凡十七上坐言事觸首揆怒因下於理至 本朝以原官起吏科右給事中升禮科都給事中有酌定禮儀亟舉賓興諸疏旋擢太常寺少卿丁父憂服闋擢爲刑部右侍郎轉

刑部左侍郎未匝月又特簡都察院左都御史旋以疏奏曲引寬條及巡方不法鐫秩十二級補上林苑監署丞量移太僕寺主簿再移上林苑丞補國子監助教丁繼母憂服闋仍起左都御史歷刑兵禮三部尚書庚戌癸丑兩主會試卽以癸丑九月卒鼎孳歷官既久中更喪亂故多識時弊其自本朝以來疏章累數百上以此得結上知又其天才宏放一時文士舉無過焉子二士積字伯通丁酉科副榜以蔭官工部虞衡司員外郎歷官至湖廣按察司僉事所至以廉明聞士稚拔貢生宿松教諭孫志夔士積

合肥縣志卷二十四

傳 一一

子也以恩蔭授定遠教諭大計遷安仁縣知縣斥浮屠絕淫祀簡田賦民稱善治自鼎孳至志夔皆有集李萬化字素公孝友能文然諾不欺人稱長者王師徇廬州首降歷漕運都司以子天馥貴贈兵部尚書天馥別有傳

府志

蔡于宣字君和順治二年乙酉舉人工詩賦官夔州司理卒于官

舊志

趙觀乙弟函乙順治二年乙酉同年舉人函乙丁亥成進士授戶部郎權崇文門稅輸羨千金於公朝廷嘉之遷江西督學試竣入都過廬見邑多弊政抗

議曰吾當籲請以抒民累中途被刺死襯歸白衣冠
哭者萬餘人觀乙隱居讀書終其身

府志

李世藻字繡虎順治三年丙戌恩貢生爲陝西膚施

縣知縣愛民好士嘖有政聲著有籜龍集萬松菴小

草年七十卒於官

舊志

王迪康藿孫拔貢生爲慶都縣知縣慶都當要衝

國初貢億煩費或勸俟他缺出再選迪康不可曰柰
何以難者誘人遂之任邑多旗莊素不法爲民害上
官每掣肘迪康曰彼爲朝廷兵獨非朝廷民乎犯者
必實之法民以無擾

舊志

合肥縣志卷二十四

傳 二

程尊孔字師北中州夫子裔祖客合肥因家焉明末
歲饑閭黨賴其賑貸全活甚眾卒祀鄉賢以子汝璞
貴贈戶部郎汝璞字素人順治丁亥進士歷官至浙
江提學道事父母飲食不親視不以進父歿事母撫
弟孝友愈篤母喪嘔血死

府志

王絲字言如順治五年戊子舉人爲黃州推官黃故
有兩案謀殺事囚繫累年莫能明絲至察囚有冤抑
狀方伸理未允而他案獲盜寔殺人者事遂白又雪
副將高誠旦之獄高夜遣人齎數小罌詭云甘齏絲
嚴拒之理黃八年以老乞歸子永纂永閱孫雍襄襄

襄袞俱以文學孝友世其家襄字石倉號兩溟康熙辛未進士爲商河縣知縣邑故多盜襄持法嚴恕四境肅然以終養歸事母至孝著有冰翠堂集襄字參成貢生揚州興他訓導

府志

蕭嗣奇字子雲順治六年己丑進士授行人甲午科爲順天同考官居鄉清慎不事干牘至事關利害者不憚力持之與人交重氣誼有詩集行世

舊志

王綱字燕友順治九年壬辰進士官刑部郎改兵部督捕振滯獄釋株連冬日流徙出關者施衣絮湯粥選授巡倉御史終通政司參議

江南通志

合肥縣志卷二十四 傳 四

倪衷復字來子壬辰進士爲安遠縣知縣莅任卽革火耗行戶供億民德之粵東寇發練勇敢禦之賊不敢入境海民內徙捐俸賑卹詳安遠誌中有詩行世

府志

魏振趾府學廩生性孝義順治九年歲大饑捐貲振濟全活甚眾父歿廬墓三載母歿復廬墓如父時有潘藩者字翮齋其行事與振趾同人稱孝義

府志

李生萃字子芬順治十一年甲午拔貢生爲玉山縣知縣卒於官櫬歸妻孥窮苦人謂清白吏云

舊志

董以鼎字四輔事父母純孝甲午貢生爲貴池縣訓

導以廉介聞

舊志

蘇日華前明崇禎十三年壬午寇變年十五遭掠母李氏被重創幾死日華夜逸回負避鄉間日夕調養得痊順治十一年甲午母病篤復刲股療之知縣司旌曰孝德惟馨

舊志

許裔衡字杜鄰少孤事母至孝善屬文甲午拔貢生以養親不仕肆力於詩古文詞所著有二樓詩集子孫荃字友蓀篤學工詩庚戌進士改庶吉士散館改刑部主事時值滇黔之變株連者甚眾孫荃反覆研訊全活數百人升戶部郎督通州漕報最奉命督

合肥縣志卷二十四

傳 五

學陝西分俸修學宮及張橫渠先生祠以親老乞歸著有華嶽愼墨堂諸詩集子夢麒歲貢生工詩賦亦有名于時

府志

李秀字秀升甲午恩貢生喜讀書與龔孝升相友善

亦有詩名

舊志

昂紹善字元長博通五經順治辛卯成五經監臨上官鉉異其才疏薦於朝以恩貢生領甲午北關卿薦康熙丁未成進士

舊志

王綽字又如順治十四年丁酉舉人爲徽州府學教授訓勵生徒甚有法士習爲之一變遷東光縣知縣

以老疾告歸

舊志

李珙順治十四年丁酉武科舉人順治九年斗米四錢珙置饑民簿計口授糧月三次輪給之存活甚眾子棫亦孝謹事繼母王氏無異所生人以爲積善之慶云有司旌其門

江南通志

李天馥字湘北號容齋籍隸河南永城合肥人也順治十五年進士改庶吉士散館授檢討遷國子監司業歷侍講侍讀學士充日講起居注官詹事府少詹事內閣學士充經筵講官戶部左侍郎轉吏部充政治典訓副總裁晉工刑兵吏四部尚書武英殿

合肥縣志卷二十四

傳六

大學士丁母憂服闋以原官入閣辦事再充平定朔漠方畧館總裁康熙三十八年卒於官天馥歷官三十年典文武會試各一次其在工部時上召河道總督靳輔巡撫于成龍面奏河工事宜輔以高家堰外築重堤截水盡出清口不令歸下河若開濬下河恐有海水倒注之患成龍以修下河開海口爲務築堤宜停若停開海口縱上流水不至而秋霖暴漲天長六合等處水無所洩二人各執一說因下九卿議天馥議同成龍報可其在兵部時察舉三河縣知縣彭鵬靈壽縣知縣陸隴其二人服官守政上命予

行取後皆爲名臣其爲閣學日詔舉博學鴻詞薦李
因篤秦松齡諸人亦號稱得人其卒也 上深悼惜
之遣官致奠尋賜祭葬如例謚文定子孚青字丹壑
八歲能詩康熙己未進士官編修孫昉楸己丑進士
皆以文學世其家

王舟字泳思順治十八年辛丑進士爲四川太平縣
知縣太平經兵火後久已荒殘無居人舟招撫流民
振興多士人懷其德立祠祀焉載蜀名宦志 府志

張維德前明崇禎乙亥流寇入境父被執欲殺之維
德年甫十歲願以身代賊感而釋之順治丙申父歿

合肥縣志卷二十四 傳 七

廬墓遺兄維譽書曰弟事亡父兄事生母一死一生
何嘗異處有司旌之 江南通志

沈守珮貿易養親母歿廬墓風月之夕悲慟之聲動
原野有士人贈以詩云一望西郊雲影沈荒烟蔓草
聽哀音更深誰識啼紅淚月在天兮鶴在林有司旌

其門

府志

方華字仲含縣學生事父母曲盡孝道有弟庶出先
經析產父歿華復以己產分與之少結婚魯氏女目
雙瞽父母不欲娶華不可曰兒不娶女將誰適竟娶

之

江南通志

張大履字無咎府學廩生父母歿事兄大臨益謹兄病邨居思肉食走數十里求肉不得及回兄已死遂終身不肉食

江南通志

音清字疏越府學生居家孝友與兄弟析產不計所值嘗曰廬城百萬家多付之荒烟蔓草我弟兄尙存此數椽數畝何多求與著有紅雪集

舊志

農人王鳳吾幼孤事母孝食必親進夏日先坐母於涼處而後往田天寒則令妻抱母足眠歲以爲常

江

南通志

周愛池性孝友兄弟析居有年弟貧鬻產愛池價買

合肥縣志卷二十四 傳 八

之越數年弟嘖有煩言愛池曰吾存此將以與姪豈利弟產耶還之不復計值

府志

程汝瑾天性純孝母年老失明日侍左右寢食扶持妻余氏亦曲體孝養姑病刲股療之

舊志

高德滋弟德洽早喪父事母皆以孝聞

舊志

張文達字必之事親孝明崇禎十三年五月奉父命至北莊收麥聞寇燹倉皇入城過演武場見積屍中有衿鬪若相招狀文達心動奔視之卽其父也受重創垂殆乃負行七十里抵家得全文達卒年百有三

江南通志

董史字計先刲股療父病壬午寇亂後於南郊外立義塚揜骼理胔無算子兆社甲午歲貢生

舊志

王玠壬午寇變負母避賊與賊遇肩背重傷痛哭爲母乞命賊感而釋之母病復刲股療之郡邑申詳學院給以衣頂子九鼎府學生亦以孝聞

舊志

胡來化字中一府學生事母張氏四十二年不少違色笑居城西別墅知府周有翼顏其亭曰扶碧日與友人嘯詠其中宅外荒塚纍纍多暴骸傾囊瘞之歲以爲常瓜蒔豆棚逍遙自得常吟曰長鑱終朝手內持不教寸草長園基還將心地頻頻鏟好令兒孫出

合肥縣志卷二十四

傳 九

土泥年七十八卒

舊志

席前士字虛左歲貢生事父與繼母以孝聞好聚書縱情涉獵丹黃錯互論次極精尤嗜雲笈悟真等書攻導引術年六十一卒

舊志

蘇逢仁弟逢智夫婦皆早亡遺子女各一逢仁撫之無異己出及長爲營婚嫁葬族之不能葬者七喪里

人稱之

府志

李資元製筆爲生事親至孝父病目已瞽資元日夜哭泣禱於祖塋數年竟得復明鄉人異之

舊志

宋世新性至孝秉親訓終身不履公庭曾拾遺金還

其主沒後殯於室值鄰火延燒二十餘家其居獨今人皆以爲孝義之報云

舊志

鎮子國幼喪母事父以孝稱父歿不食肉三十餘年尤篤於友愛兄悞跌人至死子國身任之其人踰月復甦卒年七十有二

舊志

王基字維則膽力過人康熙丙午武科舉人入都梁大司馬清標異之擢令隨部丙辰成進士廷試技勇上親注第一以父艱歸起大嵩衛守備晉階都司抑權貴輯民兵屯政具舉士民戴之

舊志

左鉞蕪采營守備以征徽歛功升紫荆關都司庚午

合肥縣志卷二十四

傳 十

旱飢殍枕籍鉞捐米五百石賑粥復籲撫軍奏請發帑銀十萬賑濟沿關七百里賴以存活造戰車式進呈 上稱善以貯武庫

舊志

徐國顯字公佑號東谷康熙十一年壬子拔貢生爲山西翼城縣知縣歲饑給牛種制藥療疫以卓異擢御史除金衢嚴道以年老乞歸撫伯兄季弟兩世遺孤皆得成立所著有慶雲樓文集廣嗣編子長安歲貢生早歿

舊志

胡蔭年十五父病刲左股和藥療之母病復刲右股

亦愈直指旌之

江南通志

巫萬璵早喪母事繼母陳氏三十餘年無間言母病
刲股作羹飲之愈

舊志

周起姜早喪父廬墓致哀三年不異復體母志分產
與二妹無吝色學使匾曰孝義可風

舊志

劉維垣母夏氏病篤禱神願以身代已而病果痊子
煜焯燮俱縣學生燮字公理事親亦以孝見稱尤篤
於友愛與兄析產輒以其腴者讓之兄歿姪復早亡
撫姪孫如己出子顯謨康熙三十九年庚辰武科進
士以親老侍養累辟不就宏訓履謙俱縣學生宏訓
尤篤厚有孝友之風焉

舊志

合肥縣志卷二十四

傳

十一

錢如容康熙四十一年歲貢生性至孝父病衣不解
帶藥必親嘗父沒事母愈篤弟貧割產以贍尤稱友
愛焉

舊志

汪瑞洪傭工養親見親所嗜之物必力致之終身未

嘗拂志

舊志

季友賢字輔皇府學生淹貫經史兼精六甲明末大
司馬史可法羅致幕下父艱歸隱於黃山全椒太史
吳國對題其門曰家有奇書六甲八門總是當年黃石
授人成異品長歌高卧何防此地赤松遊

江南通志

鄭能武安侯亨裔孫由行伍考授浙閩總督覺羅滿

本標左營把總康熙五十九年隨左營參將帶兵進
剿臺灣六月攻鹿耳門奪取砲臺恢復安平鎮以平
臺功議敘雍正元年 賜藍翎侍衛隨授河南府守
備薦陞山東總鎮都督府子告歸里乾隆二十一年
復奉 旨歲給養贍以旌有功 舊志
孫遇選端謹慈良庚辰歲旱輸粟賑粥知府吳永昇
旌之順治壬辰粟騰貴與其弟遇聘復輸粟如前鄉
里德之
耆民巫萬悅慷慨好施親戚鄰里婚喪不能舉者悉
竭力助之卒之日有感激泣下者

合肥縣志卷二十四 傳 十二

張凌雲癸卯武科舉人幼以孝稱好施子辛丑歲饑

變產以周族黨

上三人舊志孝義傳

陳懋昭字翁伯家貧力學博極羣書米副使萬鍾之
任過廬陽見其文曰此奇才也命子從之遊由拔貢
爲太平教授生平端方自持鄉人方之陳太邱所著
有尙書會旨先月館詩稿壽八十一卒

應天申字自天順治丁亥歲貢生經術湛深爲諸生
數十年足未履長吏庭遠近從遊者數百人纂有四
書旨義壁經翼註刪增等書及門多手錄珍之子期
颺歲貢生俱以醇謹稱

孫日昇字寅旭歲貢生爲人嚴取與慎然諾少負才名爲古文詞下筆千言立就肥之文士多出其門所著有嘯月堂集增刪尙書翼註

韋佩弦字楚石邑諸生飭躬方正然諾不欺鄉里咸欽服之晚年工詩賦弟子從者如林

巫符璽字爾玉受業於陳懋昭之門年十四補府學弟子員饒有文譽家貧甚讀書自娛訓徒課子而外不他及年七十三卒

池泗源字放之縣學廩生氣質茂古家貧耽書斷炊不問年七十卒士林悼痛之

合肥縣志卷二十四

傳

十三

丁鴻字虎觀縣學廩生天資醇樸動必以禮不妄取與不苟言笑事親至孝晨昏定省誠敬可風家貧力學無間寒暑生平著作甚富數奇不偶齋志以沒都人士扼腕焉

范應謙字益之府學生爲人端方剛正善古文詞舉人王絲出其門絲倅黃州時致書迎之笑曰吾不以口腹累友生也其耿介如此

陳淳字完素讀書務躬行不尙文彩與妻劉氏治家有法子孫咸率其教長女適趙延璋皓首苦節孝事繼姑次女字胡進于歸數月亦寡苦節五十年俱以

節孝旌

程日昌字繼白伊川長子端中嫡裔端中知六安金
亂殉節子孫寄霍霍復亂徙肥昌於崇禎壬午督學
使令守祠 本朝定鼎補博士弟子員好古篤學盛
負文譽冢子德新務省身克己之學知縣王作梅作
贊次紀季維俱天性孝友維子雲鰲爲郡諸生工行
草有聲

羅玉字公琢康熙丁丑歲貢生敦品力學都人士仰
之著有天中螺江閩海諸遊草尤長古文詞子臨正
郡諸生恪遵家訓以醇謹稱

合肥縣志卷二十四

傳

十四

周祐字篤斯歲貢生喪妻不娶家素裕以樂施致貧
明季旱祐傾產賑粥疫復施棺康熙二十八年有壽
州民鬻妻償債者祐僅存館穀餘金盡予之令完聚
人高其義卒年八十有七子豐孫希孟俱邑庠生

上十

二人舊志
篤行傳

魯泗源字賓六左衛百戶性耽書聚書一室坐臥吟
誦其中終身恬退不樂仕進有隱君子風焉

羅彪炳字韞生郡庠生少讀書不千名利慷慨任俠
時有北海平原之目

錢萃字合符邑庠生盛文名好施與屢躋文場遂著

書終老子清亦有文名

黃僧伯字儒一年十六補博士弟子員試輒冠其羣
晚隱西山就學者甚眾

高篤恭字逸少博學多才恬退不求仕進嘗自詠曰
勞勞恥作驅名客淡淡甘爲守拙人但有商歌出金
石家徒四壁不知貧而儀度整肅雖接卑幼必以禮
士林重之

王茂粹字羽雛九歲能文讀書於外祖黃道年家湯
若士贈云王家二郎萬乘器髭撮兩髯年十四馘音
同巢乳一母咬雪總奔軼千驥攀軍提勃大紳行廬

合肥縣志卷二十四

傳 十五

陵甘放一頭地驚才絕學惜乎未遇時人爲之惋惜
閉戶十九年著有脫腕集好生錄懿行錄暗室電見
聞感報錄等書

李綸博讀書村墅足跡不入城市著有大事姻緣記
殉書莞書熊雪堂題其齋曰憚犧子居柔亦能詩有
來青集四十卷

楊大玟字公贊邑諸生性耿介落落穆穆不可得而
親疎閉戶讀書年老不倦

張甦字季文嗜古博學秉禮持正居南郊外茅屋數
椽自號半農老人薦紳先生訪禮問字者常滿共戶

每以孝友勵俗有古君子風

王驥字龍友邑諸生僻居湖村杜門教授終身不人
城市

陳永曦字盛彩閉戶讀書絕意仕進言行弗苟鄉人
式之出其門者皆知名士子于廷邑諸生亦有父風
王士珍字廷佩壯年喪妻義不復娶攻制舉業不遇
避跡湖邨教授生徒以終其身

上十二人舊
志隱逸傳

鄭達字士行自號柰村農夫明季諸生好著書嘗杖
策遊天下盡識其山川險要晚交西蜀太白山人李
某相與討究得識勝國時事著野史若干卷其書渾

合肥縣志卷二十四

傳 十六

樸質直可徵信焉

以下新增

夏環撮城鎮人性慷慨畱心濟物撮鎮濱河初未有
橋以兩舟濟爭渡譁然或至覆溺環銳然自任創建
石橋而撮城之上游爲店埠鎮人惑于他說百計阻
撓之環力請於官知縣曹往勘如環議時工料皆夙
備應聲興作閱半載橋成迄今利之因名曹公橋因
創始于夏也又名夏公橋環元孫秉亮復輸金與族
人重修之

范炳字倍千好讀書尤研易理著有佩遠寶古等集
爲人重友誼尚氣節知縣王作梅贈額曰今代希文

子均附貢生性至孝母病刲股和藥以進病遂愈
李菖字中泚澹然子縣學生讀書四項山博學嗜古
兼通內典所著詩有柏鬢亭客狼草遠廬吟歸白石
頭吟鳧漾集鷓鴣聲雍門彈南窗嚙餘雪皋吟倦還
草文有辰懷軒全集裔孫廷輝刻共辰懷軒詩文集
行世子延杓字參瞻縣學生年十三父母相繼歿家
貧力學娶吳氏生二子符文景文哭卒延杓年二十
三義不再娶自鞠二子以至成立後延杓患痰疾二
子日夜侍奉歷三十餘年不懈

趙植字岐蔚府學廩生衛守備之炎子世敦孝友子
四人正昌正烈正登燮正昌寬宏嚴重年至八十與
諸弟白首相依不忍析爨諸弟姪亦雍和肅穆鄉里
美之燮雍正癸卯武科進士乾隆乙亥知府趙舉鄉
飲禮燮爲大賓士庶誦得人焉

田實發字玉禾號梅嶼雍正己酉庚戌聯捷進士賦
異才侷儻不羈工書善詩古文詞困于諸生者數十
年獲第已六旬矣任徐州府教授著有玉禾山人詩

集子渙芳孫逢甲以詩世其家

許齊卓字武田號鑑堂如蘭元孫拔貢生力學能文
丙辰 朝考第一以知縣用分發福建歷任八邑所
至多善政知德化廉雪革生李志煜冤煜卽於是年
秋闈第八名中式知建陽捐俸修朱子祠墓置祭田
知龍溪偵鄰賊蔡榮祖將襲郡城與守將密操舟往
縛其渠魁并黨惡數十人敘功當升齊卓引疾去歸
後構小樓擁書吟誦其中著有左傳匯箋三體匯莊
騷匯聽雨樓詩文集知府王舉鄉飲大賓士林翕服
頌得人焉

合肥縣志卷二十四

傳

十八

李山縣學生貽贈武德郎派河人敦行孝義慕古人
九世七世同居之義遺命子孫做法之迄今百五十
年同居已五世其孫李淳李剛李勇李智李仁恪守
其法子婦無私蓄仕宦無餘財于黨族鄰里撫恤備
至乙未丙午旱疫散給千金賴全活者甚眾咸頌山
之遺訓云

董正本名某字鵬飛乾隆丙辰科舉人性篤孝幼侍
父必榮側父謂曰心正則物自正正聞瞿然卽請父
易名丁卯除江西贛州府女遠縣知縣興利除弊孜
孜不遑如興義學減工稅修石堡去虎患弭火災諸

善政多載安遠縣志子世掌字顯倫候選運同樂善好義置祠田以贍族捐修府縣學宮及孝義祠乾隆甲戌蠲賑巡撫兩給額一曰任恤可風一曰博濟之良戊子秋旱賑粥丙午旱賑飢共捐銀二千兩知府蕭詳咨議敘子十人長策治候選衛守備有父風張先岸字滄崖乾隆元年順天舉人知浙江安吉州有幹濟才地方利弊本末洞徹上官咸倚賴之有江右熊揆一者本省廉訪戚也爲某縣進米倚勢恣睢蹴斃輸者問官意迎合獄弗平百姓洶洶控不已繼委先岸審先岸設案城隍廟而積薪其旁謂觀者曰

獄不平卽焚我反覆究詰犯無遁詞卒論如律廉訪陰憾之後摭他故落岸職受代歸民婦奔送數十里著有雲景亭集子二桐榆桐乾隆乙酉拔貢生朝考第一授州同知方謁選聞父罷官遂絕意仕進馳迎父歸侍養終身榆乾隆乙未歲貢生樂善好義與兄桐尤孝友無間榆子至軫別有傳

黃彬字國華國子生考授縣丞產僅中人好施予不少吝出門必懷白金以濟困厄者卒之日有不識姓名百餘人拜柩前慟哭去子二大鶴文衡大鶴府學增生終身不衣裘帛接卑幼必以禮文衡增貢生敦

行孝弟事兄大鶴如司馬君實之事伯康也教子孫
嚴慈兼濟俱有程度以曾孫鳴傑貴贈文林郎翰林
院庶吉士

褚雲字晴霞倜儻不羈援例任四川合州知州廉幹
多才上官愛重之有權貴欲致之門餌以大郡雲毅
然不顧告養歸及權貴事敗究黨屬雲獨免

楊公進樂善好施乾隆戊午歲大饑公進計里中貧
乏者捐穀賑濟無失所者知府高聞其事親詣其家
贈額曰保介堪資

沙岳字鎮宇王子副榜戊午舉人工制舉業學者遠

合肥縣志卷二十四

傳 二十

近踵接定遠初生隨母寄居於肥從岳游母乞食以
供子讀岳曰賢哉母也然母如是子奚以安乃給裯
衣食閱二載初補弟子員廬江吳凌雲孝而貧母沒
岳代卜地以葬鳳陽守游延岳閱試卷有謀前列者
懷兼金浼岳同年書以遺岳岳擲金毀書絕之其樂
善好義風節嚴峻概如此

李嘉謨少勤學年十二默背五經不差一字事母至
孝母歿哀毀卒以子廷輝官贈文林郎江西長寧知
縣

蔡卉字丹亭乾隆丁卯舉人甲戌明通榜授旌德教

諭性友愛聞兄喪告歸營葬撫恤弟姪恩誼甚篤歲
丙戌知府王舉鄉飲大賓著有大學堂文集
魏國樞例貢生乾隆十三年歲早出米四百石助賑
巡撫某給額曰任恤可風

黃化乾隆庚午武科舉人授雲南曲尋鎮標中營守
備丁亥領本標兵赴永昌隨總兵劉征緬匪時賊已
破萬仞巨石銅壁三關化至連復二關賊退保險化
料賊必乘夜劫營乃語劉下令設伏待之已而賊果
至開壁發伏賊眾大敗化遂乘勝復奪銅壁關錄功
升雲南普洱鎮右營遊擊又升尋霑營參將全活逃

合肥縣志卷二十四

傳 二十一

兵七百餘人後巡查九龍江受瘴死滇人感泣肖像
以祀

周治昌字步豐縣學廩生少孤事母至孝家貧典衣
稱貸以供甘旨素嚴重弗妄笑語在母前則終日訢
訢若童孺然母沒歲時上食哭泣盡哀廬墓三年飲
食居處悉如禮邑人咸重之治昌善時藝書學董文
敏一時從游甚盛若王上舍大治褚進士啓宗皆其
門下士也

王大治字階平國子生父彬秀乾隆丁卯武科舉人
時邑有隱事牽連上官而不得主名彬秀爲讎家搆

陷下於獄大治年十四號泣聲理不能雪讎欲并害之大治潛行至江寧齧血書訴牘上制府制府哀憐之廉得彬秀冤事乃白後大治入都應舉科沒於京死之日有白鴿投其父懷驅之不去已而赴至人謂其魂氣之歸云方彬秀之陷獄也有僕曰聯升者年甚少吏拘之反覆研究使成獄詞聯升堅不屈被杖瘐死

王漣字修遯號省軒乾隆癸酉舉人博學力行以持敬爲本嘗自署箴箴曰夙興夜寐集木履冰少喪母事父華極孝養或勸赴計偕漣以親老辭父沒哀毀

合肥縣志卷二十四

傳

二十二

骨立遂絕意進取家居教授終老子二采縣學增生品純學粹爲鄉里所推重杏舒字倚雲號念庵乾隆己卯舉人丙戌大挑分發陝西歷任劇邑補高陵縣調三原縣鄰邑民人往往奔訴求王明府斷其悅服人皆類此升山東平度州知州因蘭州逆回滋事陝撫以杏舒爲民所重奏畱陝省歷署醴泉永壽寶雞華州乾州興安府事借補渭南縣均有惠政陝甘總督以杏舒實心愛民奏保知府特授甘肅迪化直隸州知州因母憂未赴服闋選授廣西鬱林直隸州知州在任一載以病乞休離鬱之日士庶攀轅泣送者

萬餘人歸里囊橐蕭然唯二三貧交相過從無仕宦
氣習詩本香山書法北海所著詩古文詞甚夥皆隨
手散佚無存者

廖躅芳字鶴餐上元學博世瓊子也金陵在勝朝爲
南雍禮樂諸器咸備世瓊心慕之思爲合肥鄉校仿
其制躅芳承父志于雍正甲寅悉捐修之儀制復古
乾隆癸酉舉順天甲戌登明通榜由內閣中書授廣
西賓州知州嗣以母憂服闋起知雲南賓川州州近
苗疆躅芳持法平恕民夷畏愛弟宏鑰性友愛顏其
塾曰怡怡兩湖制府畢于躅芳爲同年友贈鑰額曰

合肥縣志卷二十四

傳

二十三

人倫模楷

黃思敏字修來乾隆癸酉拔貢生補太和縣訓導訓
諸生如子弟諸生亦愛敬之士習蒸變上官賢之委
辦賑務民隱畢達復委濬潁河規畫盡善大宗伯裘
文達驗工間其廉考注第一母憂服闋補六合縣教
諭卒于官子五人係阜歲貢生係泰府學生係嶺府
學廩生鳴傑己未進士翰林院庶吉士禮部祠祭司
主事係嶼縣學生

譚應麒字瑞徵乾隆丙子副榜就州判職揀發廣西
借補梧州府經歷署柳城縣事柳城歲旱應麒力請

賑巡撫吳虎炳以沽名參奏 上以所奏失當不直
虎炳應麒毋庸議尋升江蘇豐縣知縣調湖北房縣
時嘉慶元年楚匪滋擾陷保康應麒協勦復之回房
縣以積勞卒

黃存義石塘橋人貢生有幹才勇於義乾隆丁丑里
中屢警盜遠近惶惑存義曰柰何任賊擾我里黨也
密跡之十里許有孤村晒趂鞋六七兩於戶外存義
曰是矣值社飲約壯者百餘人密往捕得羣盜及主
者繫送官一方遂安明年邑中營廣益局買宅頗艱
存義慨以寓舍爲之歲大比見諸生多有徒步擔囊

合肥縣志卷二十四

傳 二十四

赴金陵者乃以千金買腴田稅租以贍貧困至今賴
之知縣王贈額曰學校頌義

褚啓宗字亮儕乾隆己卯舉人庚辰進士補松江府
青浦縣知縣青浦田號低窪松江久淤不治每夏秋
水泛田往往漂沒大吏議濬之請於 朝啓宗度江
勢迂曲則水流不暢易以停沙乃從白鱣灣直抵許
家村凡四里疏爲新河以暢其流又建千秋橋於其
上人以爲利青浦縣志名宦傳詳其事

葉舒芬優廩生讀書十行俱下督學試院廳事前舊
無試寮臨期以蓆爲之不能禦風雨舒芬變產捐建

瓦屋東西各三路至今賴之

龔朝聘字獻丹號澄庵孝友力學乾隆壬午舉人辛卯進士選授甘肅成縣知縣成故貧邑疲于徭役朝聘簡科條務與民休息邑向出易倉穀間歲收之朝聘到官當收穀期乃一概量不求羨餘人皆感悅甫旬日而收已過半會有 詔豁免檄下縣人無知者或謂縣處僻壤稍緩布檄穀可盡收朝聘曰罔上厲民而爲己利何以人爲卽諭止納者而盡反已納者穀在成四月以檢驗不獲于上官被議去成民遮送哭聲相繼朝聘工制舉業歸籍後友教四方多所成

合肥縣志卷二十四

傳 二十五

就年七十餘未嘗頃刻廢書子二訥默皆縣學廩生有文學世其家

張至軫字琴六號靜成一號蘭沙乾隆癸卯甲辰聯捷成進士補授戶部貴州司主事充則例館纂修官兼理八旗現審處事以善折獄聞擢廣西司員外郎遷陝西司郎中六十年授四川夔州府知府監督夔渝兩關稅務時值楚匪肆擾逼近巫山九月達州賊徐添德等又躡開縣至軫相機堵禦境內以寧明年大寧縣屬之九龍池賊陳崇德陳青雲等繼起官兵未集至軫募鄉勇率員弁奮勇殲青雲竝戮其夥賊

之爲陳崇德接應者六月徐添德王三槐及楚匪齊
王氏姚之富等又由川北合竄至夔至軫與賊相距
僅隔三里施設方畧以戰以守以次殲滅鉄瓦寺白
巖山老木園及黎兒壩諸賊王三槐等乃出沒新寧
其黨亦遊竄於開萬大寧間蜀帥統兵追勦至軫督
兵從後攔截王三槐困於雲陽縣安樂坪臨陣俘獲
事聞 賜花翎自軍興兩年至軫悉力守禦籌備輓
輸招徠撫卹甚爲諸帥倚仗以積勞卒年四十有一
喪返之日士民白衣奔送者數十人哀聲遍野川帥
表上至軫功及致疾狀有 旨照陣亡例降等贈道

合肥縣志卷二十四

傳

二十六

銜賜銀祭葬蔭一子坦

蔡淮英字桐江乾隆乙酉拔貢 朝考第一爲河南
杞縣知縣清廉明決人多德之旋以觸上官怒陷大
梁獄事且不測民念其冤輸金爲之贖罪旣出獄復
斂資送歸杞縣志名宦傳詳其事

郭紀熙字鑑堂國子生敦倫睦族樂善好施自其祖
維隆父尙寅設立恆善局紀熙善繼之知府王贊曰
推仁廣義培植心地樂善之誠已積三世乾隆丁亥
舉鄉飲介賓後合郡設立廣益局紀熙又買義地十
餘處送局

蕭際韶字鳴球幼喪父力學能文章讀父所著家訓則捧而泣乾隆乙酉順天舉人己丑成進士入詞館充四庫國史館纂修官庚子會試同考官尋擢山東河南道監察御史巡視北城繼授坐糧廳杜絕苞苴剔舉利弊漕政肅然遷禮科給事中以母喪扶櫬南歸哀痛成疾至揚州卒所著有周易指譌三禮補注昭明文選補箋山海經集解館課賦存蘭石軒詩抄崇德堂詩文集子三肇熊拔貢生肇鶴新興場鹽大使肇鯨早卒有孫十人

王裕銓字繼高前進士河南道御史寢大元孫以貲

合肥縣志卷二十四

傳 二十七

授浙江寧波府通判歷任廣西梧州府思恩府同知到任裁土官陋規數萬兩調順天北路同知署天津府事總督楊議開海河廢通竿井裕銓力陳河開遇漲則府治渰沒井廢則田畝不能灌溉反覆持益堅得免水旱患民人感激作歌頌之

蔡崇字坤維母吳故節婦也崇爲母請旌建坊私鬻田以給費崇居故當東門孔道有山有富商張潤者願以千金購之崇不可母曰得多金以贍生顧不善乎崇泣曰兒不孝不能顯揚吾母今卽祖居僻隘兒尙思卜宅通衢表坊于門以彰母節忍自爲生計乎

母大感慟母歿崇哀毀不勝嘔血數升閱五日死
董金鳳字向桐乾隆戊戌武科一甲第三名進士授
乾清宮侍衛甲辰授河南歸德營參將值柘城縣飢
民行劫聚眾數千金鳳以五十騎平之丁未署河北
懷慶鎮總兵辛亥升福建興化副將招撫洋匪翁泉
等之騷擾者歷署建寧福寧兩營總兵福寧有南澳
地方幽邃居民數百家爲洋匪售贓金鳳俟匪船進
澳領兵斷其歸路得賊首林亞生等數十人焚其樹
木由是匪無匿船處南澳遂爲善地調臺灣北路副
將有陳錫宗者糾黨謀逆殺害巡檢總兵愛往勦誤

合肥縣志卷二十四

傳 二十八

中賊伏金鳳領兵衝殺圍始解錫宗旋亦就殲奉
旨議敘着來京引見適赴淡水捕艇匪冒風寒死蔭
一子承恩

董三重字在公貧士也居永真觀巷口於巷內廁旁
拾遺金百兩三重立俟至午失銀者倉皇至詢而歸
之人高其義

何作霖字雨膏府學生性至孝母病作霖尙未受室
爲母滌厠愉父病倉卒未知吉凶爲父嘗糞鄉里稱
孝舉無間言

王克纘國子生兄弟三人析居各承萬金之產後兩

兄產盡克纘以私產均分之繼復盡克纘又均分之有積券三百悉投諸火

白廷俊字聚占貢生少孤貧善治生起家累數萬金性儉樸然於義所必爲輒倒廩傾困無絲毫吝惜乾隆乙酉知縣陳大中修郡城廷俊出千金助之乙巳丙午大饑道殣相望賑銀二千兩全活甚眾年過八旬坐立無跛倚子孫蕃衍鄉薦五人成進士一人嘉慶辛酉以孫朝綱官 贈武畧佐騎尉

完智甲寅舉人乙卯進士以知縣卽用授福建古田知縣邑舊好博博之術有名花會者先數日示期揭通衢百里外蟻集勝負累千百宰莅任向有陋規嚴禁之風竟絕調光澤南平皆有善政卒于官櫬歸土民哭送之

王邦珍國子生事繼母以孝聞乾隆乙巳丙午大荒疫珍亦卧病族戚無告者號泣盈門邦珍扶病至三河盡以己產典穀麥銀兩分給之又爲謀子種百石分令播種一方賴不失所卒之日里人莫不哀泣

李耿忠青陽鎮人城工例議敘正七品職銜父州同李植輕財好義耿忠繼而甚焉每歲歉周恤無倦待舉火者常百家乾隆五十年大旱出穀千斛賑鄉里

有棄子卽收養俟歲稔訪其父母所在而歸之道死者給以棺又於鎮之西施義地二十餘畝爲貧人葬地

李鼎字楚詢國子生候選州同敦友誼好義樂施乾隆乙巳丙午大荒疫鼎捐穀賑飢瘞埋積骸親董其役親族就食者數十人鄉里逋欠悉焚其券子二容附貢生厚候選理問

劉啓富國子生豁達好義乾隆乙未歲飢慨以家貲之半賑貧者親族鄰里賴以不飢家有積券悉焚焉吳世發字桂丹國子生一歲喪父事母至孝曉夜侍

奉弗假婢妾與叔琪同居三十年事琪如父居常敦任恤若孜孜不遑乾隆乙巳大旱傾貲賑撫里人多賴全活有鬻妻者與之金令完聚先是家計頗豐因此致中落不悔也里人稱爲孝義之門教授毛贈額曰孝義維風

李采字寅襄縣學生性廉介常命家人市鮓魚賈人誤重其權多予過值卽令送還其不苟取類如此王家玃國子生飭己端肅鄉里敬之里中有兄弟爭財者家玃曰若所爭小利也兄弟大義也爭小利而蔑大義傷若考心吾爲若籌如所爭之數與之二人

感愧自責去

慈廣字克儉國子生性樂善冬施綿衣煮薑湯濟行旅與從子國子生梁少卜地瘞枯骨廣居舒界有墮麻氏橋殞命者廣卽傾囊購木石爲欄舒城縣蔣給額曰善被鄉閭

韋世霖事親至孝父與繼母歿各廬墓三年同時有縣學生王履緯亦廬墓鄉里稱之

邵逢時國子生三歲喪母伯母撫之伯父立爲嗣至孝誠篤曲體於微嗣父母俱訢訢樂有子焉母臨終呼孫大展告之曰汝父爲余子三十餘年無犯無隱

合肥縣志卷二十四

傳

三十一

汝事汝父母當效之也

徐夢紙字洛貴國子生少孤逮事祖父母及節母王誠孝無間與弟農蔭友愛最篤夢紙家貧客游而歲時餽問不絕頭白歸來相歡若童孺出入必偕飲食必共見者油然生孝弟心焉

陳鄉選縣學生性至孝母病思魚羹值冬月鄉選破冰捕魚幾溺得巨魚作羹以進

桂金章西都六鄙民也父捷三生子二長長青次金章叔畏三無子金章嗣之後長青殤金章承事父叔及母張叔母劉委曲無間有疾衣不解帶藥必親嘗

父母及叔父母前後沒各廬墓三年迄今六都之人猶懷想頌孝焉

梁學周小峴山人年十五喪父力耕養母每扶犁號泣哀楚動人母病刲股療之弟學純性敏質弱學周愛護彌至延師課業爲縣學生學周獨任稼穡勤苦以終

徐節徵字柏昆府學增生少學詩篇什甚富刊有石渠集嘗以詩投學使雙公雙激賞之後復有獻詩者批云何不取石渠集細讀之

傅光世字宇華國子生性孝友兄與弟欲析居光世

合肥縣志卷二十四

傳

三十二

不得已乃自取瘠田竝老僕兄弟財匱光世復析己產資之又有府學增生周朝燾者事亦相類比于漢之薛包云

周朝玉農家子也家貧事繼母李孝李目瞽朝玉耕餘扶持舉動甚適母忘其瞽焉母常向戚鄰言曰吾一日無此兒則吾一日死矣母壽至七十一而終黃中字尚文勤苦自勵而好周人急鄉里危困者賴之鄰有訟逋者排解不可自傾囊以息其爭年逾七旬卒

耆老朱廣三爲人敦厚樂善好施曰吾欲使戚黨無

飢寒者子揚廷能承父志鄰人黃戒三貧欲賣妻揚廷聞而周之黃夫妻得偕老云

張惟字載謀性純孝父病刲股療之後父母歿哀毀幾滅性年幾七十每時祭猶孺子泣焉惟篤友于重然諾族黨貧乏者分產調恤之人高其義督學使者葉給額曰孝友可風子棫縣學廩生建瓴辛酉進士州同項仁彬樂善好施歲飢公輸銀兩外必加私賑少孤事母養志承歡兩弟早喪撫諸姪如己子以遵例急公貲贈其父扶九儒林郎母許氏贈安人有國子生項鵬九者節儉而好義行誼與仁彬同

合肥縣志卷二十四

傳

二十三

張秉璠字宜文店埠鎮人少孤事母盡孝母歿設像上食定省如生時風雨之夕哀至而哭慘動鄰里素好施濟鄰邑水避災至鎮者常數十人繼而疫作復多死秉璠施棺蓆以斂且捐地葬之其存者曰噉以粥病瘥咸感泣去

沈澍字南襟國子生兄泗縣學廩生母臨終命二子毋析居于是友愛彌篤皓首怡怡遺命子姪云我兄弟終身相依死必合葬勿異生時也

陳三甲性至孝父歿廬墓不歸既終喪戚屬勸之二甲慟曰何忍去吾親也邑令楊旌曰孺孝之門

童炯捐職從九品祖以約父世桂以約于父歿毀幾滅性世桂侍父疾嘗糞者三鄉里誦之炯八歲喪母事後母如所生以父病廢學後父病愈爲祿養計乃措貲納職乾隆六十年七月十九日世桂失足墮淵炯叫號狂奔赴淵抱父出而炯死事聞嘉慶二年旌陸懷忠傭工養母必致甘鮮母忘其貧

夏遇球字貢西國子生性至孝甫九歲母病號泣呼天祈以身代父克紹友恭甚篤愛兄子應陶遇球亦撫育備至克紹年老凡飲食嗜好施予遇球無不先意承奉若意稍拂逆卽捧杖跪請撲責里黨子弟間

合肥縣志卷二十四

傳

二十四

有忤其親者輒自愧責曰是豈可令夏孝子知耶

沈邦珽與弟邦璉俱府學生同敦孝友父病危俱欲割股珽曰兄先弟後爾姑俟之珽遂割股進病立甦朱品候選巡檢性篤孝親病顛天割股歿後孺慕不忘年六十祭猶號泣先後有徐尊孔王炯尚楊德山李士勇王秉燮周尚文十一歲童王文傑國子生陸之煜 皆誠孝割股瘳親鄉里稱誦云

杜東儀母病渴甚儀刺臂血飲母病旋愈

吳解原性篤孝父年六十二得風疾原晝夜侍疾藥必親嘗十餘年不懈病革時痰不能吐原吸出之見

者無不垂淚

蔡雱字蒼佑國子生少侍父母以孝謹間重義好施
德洽鄉里知府尤顏其堂曰一鄉之善壽七十有三
孫天球 恩貢生 欽賜舉人曾孫雲鵬已酉舉人

補遺

宋

馬仲舒字漢臣父皋為江東撥發實其家金陵漢臣
因入學齒諸生為人喜酒色其相語以褻私侈為主
父母不欲之又隆愛之不能逆其意以教也然漢臣
亦疎金錢急人險艱不自顧計從王荆公學王以禮
法開之大寤遂自挫刻務以入禮法學作進士數月
其辭章粲然從王入京師待進士舉病死

節王安石
馬漢臣墓

志銘

元

合肥縣志卷二十四

傳

二十六

吳寅甲北鄉太平邨人

今名吳家店

有勇力多智畧元末

大亂邨中百餘家知不能禦寇欲避去謀於寅甲寅
甲曰此地不能守他處又能保乎與其流離終不免
於死不如協力聚守公等能從我我能禦賊遂營壘
砦籌備蓄備器械以待之已而賊至寅甲悉力戰守
無敢犯者尋以積勞嘔血死時賊所過之地焚掠一
空惟是邨安堵如故鄉人義之立碑于其墓碑立於
洪武乙丑二月歲久沒於土嘉慶二年冬賑饑民集
其墓土陷出碑字畫如舊

國朝

汪廷貴字天如力學能文章貢入成均豪邁尚義族里貧約孤寡賴以全活者無數巢邑處士韋尚賓過其廬相與語悅之遂留于家三十餘年韋著詩文集盈尺廷貴贈梓費千金及韋卒卽毀其所居書屋葬之以田十五石給其孫巢令楊贈以額曰今之季常程本正字元敬學使素人第五子也嗜古博學 徵修一統志授興平縣丞歷署咸寧三水同官興平四縣事

程本節字信臣號介亭詩才清綺考功司員外郎劉體仁奇之妻以女成康熙丁丑進士爲虞城縣知縣

合肥縣志卷二十四

傳 二十七

政尚寬簡間吟自適而四境晏然行取禮部主政終其身

范正素字無求縣學增生性孝友兄弟七人皆縣學生自壯至老雍藹無間寢食必偕有姜肱風焉屢試不遇乃退隱於朝霞山課徒自給年若干無疾而卒王履緯字次晨縣學生性篤厚喜施予康熙四十九五十三兩年大水旱出米賑其鄉全活甚衆雍正五年水復賑如前知縣趙良墅贈以額曰士林偉望卒之日族黨無不流涕元孫秉燮字鳳有性孝義母患背瘍秉燮允膿盡傅藥而愈嘗自江西歸過德化逆

旅有男女相痛哭者訊以故云父母沒不能具棺將
賣婦以給事故哭秉燮傾囊與之夫婦遂得完聚秉
燮卒妻倪庚子舉人思聰女守節終身子子大品二品
陸志機字衡次縣學生早歲喪父以孤童自奮受知
於學使鄭魚門爲人潔己自好非禮不履性實和易
戚里共推長者書兼學顏柳教授鄉里具有程度其
貧不自給膏火者輒助之故志機之門成就爲多子
廷勸姪廷劭皆諸生

程懷榮國子生早喪父事繼母朱孝朱病榮偕婦傅
侍湯藥衣不解帶者累月繼母弟一新幼榮責課嚴
而友于益摯一新後入邑庠

合肥縣志卷二十四

傳

三十八

陳上品中年喪妻貧不能再娶隻身事母以孝聞母
踰八十病臥數年未嘗離側中衣廁踰皆親洗滌隆
冬則抱母足溫之鄰戚皆歎爲難

徐驄字西臺縣學增生事繼母孝父夢紙沒驄年過
五十猶朝暮孺子泣哀動路人生平克己勵行性坦
易而不狎侮同輩愛其和亦憚其嚴子世墅歲貢生
世堯縣學生孫鍾衡癸卯舉人

王元登字嘯門號蕉雪進士商河知縣裒之少子三
歲而孤以母教成立敦孝弟見義必爲喜任事之難

者性慧多藝詩文而外鉤摘河洛別有神悟凡琴棋醫卜丹青篆刻諸技俱臻絕勝然不以博名譽亦不以指授子姪謂小道無關大節且不能使人巧也廩貢終其身子會燕官贈文林郎鉅鹿知縣

許養志字敬持縣學增生性至孝清潔自尚生平無忤物之色工詩詞尺牘及行草書安徽廉使增慕其才屢聘弗就曰吾親在不能一日離也父素病衰年復艱步履養志左右扶持十年不懈中歲食指浩繁家徒四壁嘗枵腹竟日而甘旨之供必豐必潔訓其幼弟養器以弱冠舉於鄉爲高郵州學正養志屢書

合肥縣志卷二十四

傳

二十九

諭以律己貴嚴待士宜寬養器奉教維謹學者頌之年六十二父母沒養志以哀毀卒著有蘿邨自怡草汪應蘧字泗瞻乾隆甲子舉人居中廟植品端方動遵古昔性恬淡不樂仕進讀書朝霞寺吟誦不輟其七十三歲自序云平生只有文字夙緣未了年八十端坐而逝子思硯縣學生

高廷選字渙初乾隆甲子舉人性醇雅與物無競以親老就學官職選任青陽教諭倡修學宮經營兩載工乃竣甲戌歲饑與邑令經畫賑濟身任其勞全活甚衆

龔採字俸頌縣學增生性清直事祖母蘇以孝聞蘇病篤採侍牀褥年餘進所欲無違者除夕失火蘇臥牀不能起火延及室採冒火背蘇出而衣履不焦孫恆貢生性慷慨好施嘗捐田百畝爲廬陽書院膏火費知府趙瓚贈以額曰循良鼎薦又修肥南義塚直達舒邑三年乃成貧農貸社倉粟力不能償恆悉代償之家貲數萬金俱盡竟至貧乏淡如也居鄉排難解紛勸以和親故終其世一鄉無訟知縣廖景文贈言云性存忠厚貧無憾誼重禮仁樂有餘

龔楚字如喬號沂邨府學廩生學使梁階平歲試舉

合肥縣志卷二十四 傳 四十

優勘云品行端方見聞博洽詩九工五言後學多宗仰之

沙峻字羣占貢生西鄉人少孤事母孝輸與無吝色乾隆二十九年知縣陳大中修葺城垣五十年大饑各出白金千兩五十一年春米踊貴復爲粥以食餓者其汲汲于義如此以孫贈武德騎尉子位戊子武科舉人封武德騎尉仲乙酉武科舉人孫序元戊申武科舉人今官江西臨江營都司步元附貢生士元廩生丹元朝元調元鯤元皆府學生璧元國子生殿元壬戌武科進士

趙文叢字聚奎治家嚴肅敦任恤誼素善詩卜築水西門外名柳影邨著有南田吟田實發最賞之子二人孫五人淇縣學生

蔡殊英字洛賢縣學增生七歲喪父事母孝每進膳必率兒孫環笑語以勸餐請旌建坊鬻產給事葬祭尤有禮人謂其法度可循而哀與敬不能強也與人交悃悞無華人皆諒其誠性嗜學疾亟未嘗廢書趙壽朋字康旬廩貢生天資篤厚勵節方正五歲喪父事母至孝篤學能文章川運例捐訓導分發本省試用歷任二十餘年江北諸縣學履歷殆遍督勵有

方所至士奮名士多出其門乙卯司桐城學篆有楊生某爲邑紳所誣陷壽朋秉正力雪之士林感泣長子開第縣學廩生次子蓉第縣學生出嗣

許襲夔字與龍乾隆丁酉拔貢生幼讀書輒心解事母至孝夔與選拔例赴朝考中途忽念母遄歸母終養後不十年而夔亦卒年甫踰四十士林惜之四人長縣學生樹參以夔病刲股相繼歿次樹本縣學生亦以孝稱

梅崑字瑤峯歲貢生居父喪哀毀咯血遂終身抱病授徒四頂山麓歷四十年學者多所成就恭儉慈惠

里人化之歿之日間者流涕

汪韜字濟蒼號渭邨國子生性孝友矜名行里中貧約及妻子不能保聚者韜悉分財贍給之丙午歲稔命子海盡鬻產以賑海府學廩生

張廷棟字賡言縣學增生曾授經遠鄉嘗飲泣曰爲人子而不獲左右就養亦何貴有子邪或昏夜遄歸依依不忍去平生端方自守足不履長吏庭年逾七十卒

郭承縉字景純由貢生授汶川縣知縣甫下車卽屏一切陋規持法公恕署直隸茂州事丁艱服闋厯署

合肥縣志卷二十四 傳 四十二

江西大庾崇義補授湖口所在多惠政厯宦二十餘載囊橐如洗解組歸布袍芒鞋蕭然也舉鄉飲大賓未赴卒年七十有三

徐邦燦字儲羽府學生家貧訓蒙曾於歲終解館回里適途間有赴水者急前救起之問其故告曰家有老母子女歲暮債迫俯仰無資不得已計出於此徐卽傾館俸予之怡然而歸家人無知之者

李廷輝字晝堂號立山乾隆乙酉副榜癸卯中式順天舉人丙午部選江西贛州長寧縣知縣旋以母憂歸服闋分發浙江攝上虞縣事所至稱循良旋補桐

鄉縣絕包苴勤教化名盖著震澤大盜許某劫于桐鄉拒捕戕兵震澤令某避吏議以賊黨沈某抵許亦詭變求脫廷輝爭執卒抵許于法一時稱神明焉廷輝在上虞修海塘在桐鄉修城修志修鄉賢張楊園墓亦各得爲政之大端著有崇實堂詩文雜錄各卷

銀行

許夢麒字仁長號雙谿歲貢生官光祿寺典簿太史四山子也性孝友太史卒祖父母年皆八十餘麒侍奉甚篤平生與人交掩瑕錄瑜有古君子風幼卽工詩年十四賦雙松傳誦都下所著有雙谿詩鈔樹百

合肥縣志卷二十四

傳

四十三

堂詩集雙青集楚香亭司寇王阮亭甚推重焉

下三

人舊志

郭師從仕楊行密爲宣州都虞侯田頔敗亡師從遂降於錢鏐鏐以爲浙東馬步都虞侯從錢瓘破廣德征無錫皆有功累遷浙西營田副使拜同知參相府事

巫秉直年十五父歿遺二弟一五齡一遺腹秉直事孀母育幼弟孝友曲盡及長家貲均之弗與較弟被枉多方營救獲免里人義之年九十四卒

方伎傳

晉

趙廣李伯時家小史伯時作畫每在左右久之遂善畫尤工作馬建炎中陷賊賊聞其善畫使圖所掠婦人廣辭脅以白刃不從斷右手拇指遣去而廣平生實用左手亂定惟畫大士像今士夫所藏伯時觀音多廣筆也

江南通志

明

李恒字伯常洪武初以醫名選入太醫院擢周府良醫常奉令旨類集輿珍方諸書後以老致仕王親賦

合肥縣志卷二十四

傳

四十四

詩以饒命長史錢塘瞿佑序其事

江南通志

林時字惟中精太素脈有方氏婦求治胗脈不藥語其家人曰夏得秋脈定死死在庚申辛酉日巢驗他皆類此

江南通志

吳鵬精青鳥術萬曆二十七年礦使四出姦人乘隙規利欲徧發霍蓼合肥諸山梟璫暨祿率黨數十人入郡人心惶急鵬以危論動之全廬得免發掘之擾所著有五寶經

江南通志

國朝

許學文字博我精於醫尤長幼科著痘科約言係赤

正宗二書梓孫真人寶訓以勸醫者子繼先孫紹衡
曾孫仲達育鯨皆有家法

蔚之瑚精岐黃術崇禎辛巳大疫普施藥餌全活甚
多

董生和其先爲名醫至和九世能療異疾貧不能具
藥餌者與之資子~~受~~以縣學生習其業焉

葉文舉字公遠精於醫探丹溪河間之奧多所全活
子天彝著醫宗思知錄子時發縣學生嗣其業

陳于陞字襄筵善畫其臨摹皆能入古人三昧

以上

奮志

合肥縣志卷二十四

傳

四十五

蘇萬彙字毓生明季諸生隱居讀書精于卜筮嘗言
知三奇而不知六壬雖得守身之要料事無別姦發
隱之能知六壬而不知三奇雖有知人之術臨難無
全身遠害之方著有遵古奇門陰陽正典

以下新增

方正晉字三錫以眼科世其業尤善金針撥轉法有
褚蔡二姓目雙瞽治之立明次子南英傳其業

施廷贊善醫尤精視痘疹聞啼聲能決生死

州同趙穆尊號兩峯精於弈挾其技客京師歷遊公
卿間時稱善奕者均無出其右著有兩峯碁譜

陳廷英名嘉瑄醫有祕傳外症尤挾精奧無不奏效

者今孫載華猶傳其業

吳夢賚字廣寧國子生故廬陽外史喆之孫棄儒業醫於書無不讀而女科尤特有祕授性耿介屢治人所不治卒未一射利故托業精且久而貧人尤以是多之

任風子者逸其名性故豪放傳有相人術決休咎聞者初不信試屢驗始驚異之因行近詭祕似售技而不以技鳴遂呼任風子

耆壽傳

吳嘉善號恒春事母以孝聞通岐黃術崇禎十三年大疫飲以方藥輒愈不計酬順治九年旱疫亦如之有司禮請鄉飲年九十三卒

凌雲字景雲天性醇厚好善樂施變產修橋梁揜埋骼瘞凶年捐穀賑荒順治十八年闔邑請表揚奉

旨賜衣直指何按廬延以酒食鼓樂送歸知府王獎曰憲旌碩德年八十一終

沈國宸字翰明壽九十有四康熙間三受恩賜行誼朴茂無華飾而解推不少吝建立宗祠每月旦治

合肥縣志卷二十四 傳 四十七

具聚族人習禮讓其中一堂五世雍靄可風焉

譚鼎樂善好施康熙六十年詣京師覲祝萬壽

賜克食行貲天語慰諭令歸督民孝弟閭里榮之

以上舊志

董超字子楷好義樂施兵燹後盡出家財以周困乏鄉里義之年九十三卒廬江宋衡爲立傳

以下新增

丁昇字允曦康熙甲子武科舉人性仁厚樂善好施壯歲讀省心錄益堅改過遷善之志因顏其居曰省心堂創合肥舒城廬江無爲州四邑同善局至今利賴知縣王作梅贈以額曰德一齒一卒年八十五

范本泌字衡若性醇樸七歲喪父性孝友與人交然諾不欺每隆冬必備衣粟以賙貧乏族黨咸推重之知府趙重其誼乾隆十九年請爲鄉飲賓額曰望重輿評年八十卒

郭承綱字青選國子生樂善慕義店埠通濟橋鉅工也承綱勤襄其事不避勞怨後橋毀復修綱復自任工匠食息其家年餘告竣知縣廖旌以額曰功成利濟壽至八十七見元孫時長子家炎年近七旬依依膝下後亦八十二歲卒

婁曰鬢字宇學少孤事母以孝聞博學能文不慕榮

合肥縣志卷二十四

傳

四十八

利知府趙重其品學以大隱二字標其廬乾隆三十一年知府王舉鄉飲禮曰鬢爲介賓壽八十餘歲卒方直字正中國子生幼業儒長善醫乾隆四十八年直年八十五妻袁八十六子三人孫十二人曾孫十八人元孫二人五世一堂 恩賜扁額銀緞年九十二卒

劉鈞若年百有二歲乾隆五十八年 賜銀緞建坊黃國柱累逢 恩賜絹穀知府蔡給額曰仁壽可風年八十八卒

董湛斯與弟若海年俱至八十六孫元癸酉拔貢生

現年八十

郭承綦字錦橫國子監生孝友任恤知府朱一鳳扁曰一鄉之善有子二人長家瑒縣學廩生次家瑛國子生孫四人曾孫二人四世一堂卒年八十五

傅國佐字天植縣學生嘗出粟賑饑又捐置文廟祭樂器巡撫趙國麟旌額曰襄禮可風督學姚旌額曰有功明備卒年九十一有子八人

夏啓雯字爾瞻性和易凡族黨有事經其排解無不悅服年九十六知府祝贈額曰碩德遐齡

倪秉鑑年八十四乾隆乙亥 恩賜頂帶絹粟

合肥縣志卷二十四 傳 四十九

倪秉鋹年八十一乾隆乙亥 恩賜頂帶粟帛

李人文乾隆戊子年年八十知府王給額曰媲美磻溪

劉世仁乾隆四十六年辛丑年百歲 恩賜銀建坊至百有六歲卒

唐貴成乾隆五十七年 恩賜絹穀養老現年八十二子五人孫二十三人曾孫二十八人元孫二人五世一堂

李集字孔成年十三刲股療母病幼業儒謙習醫嘗施藥以救人子馴孫膺福翹嵩俱縣學生卒年七十

六朝恩賜頂帶絹粟

陸瑞宐子五人孫十三人曾孫二人現年八十七

恩賜頂帶粟帛

王惟仲年八十三 恩賜絹粟

王朝鼎年八十七 恩賜絹粟

郭廷贊國子生年七十八 恩賜絹粟

劉文祿年八十四 恩賜粟帛知府和騰額給額曰

春生筠杖

趙銘縣學生乾隆乙巳庚戌兩承 恩賜絹穀嘉慶

元年加八品頂帶年至八十四卒

合肥縣志卷二十四 傳 五十

陳廷友忼慨好義嘉慶元年 恩賜九品頂帶粟帛

現年八十三

王會薰附貢生褚家璉字玉山倪永泰字觀芳嘉慶

元年同赴千叟宴 恩賜詩章銀杖絹匹歸里養老

褚賜七品頂帶卒年八十二倪現年八十六王現年

八十三

梁球國子生治家嚴肅教子弟以禮嘉慶元年球年

九十 恩賜七品頂帶子漸達縣學生孫材辛酉舉

人現年九十六

蔡玉禾現年八十謹恪無競子四人孫六人曾孫九

人元孫一人五世一堂 恩賜七葉衍祥扁額

劉雲字邁羣府學生現年八十七有子六人孫十四人曾孫八人知府恭給額曰眉案春長

蔚藻八十時知府張給額曰媲美磻溪屢蒙 恩賜絹穀卒年九十五

唐禎國子生子正禮正義禎年九十卒正禮亦年至八十八孫曾滿室楨與正禮同受 恩賜絹穀

婁楷樂善好施知府王旌額曰敦善延齡卒年八十八梁漣現年八十五乾隆乙亥 恩賜粟帛

王策三年八十一 恩賜粟帛

合肥縣志卷二十四 傳 五十一

范楠字樹山國子生性孝友居家儉樸諸兄歿撫兄子皆成立現年八十七

趙光字恒蒼謹樸無欺人稱長者現年八十六

范維高現年八十八精醫術好施予行誼爲鄉人所

重

士有賓年八十四妻蘇氏年七十八子三人孫七人曾孫十三人元孫一人五世一堂乾隆六十年 恩

賜壽官

王家谷國子生品行端方教子以義壽八十二 恩

賜粟帛

魏國模捐職衛千總樂善好施嘉慶二年年八十
恩賜守禦所千總

合肥縣志卷二十四 傳 五十二

合肥縣志卷第二十四